

BUSINÀ 1955

CAPO I - Veg

Dai 1955 ai somma andrent
ai domma in salut a tit sta brava gent
senza avei nin privilegià
sia dai pais cme dla sità
in cò amsò ca stagu an' alegrija
nui dai pais cme cui da vija
sia cui d' avsin cme da luntan
a tiec ai domma la nostra man
ansema la man u nost cunfort
an barba ast mond ca l'è esi stort
l'ani nôv l'oma emensà
a somma semp a drera a tribilà
chi pì tant e chi pì poe
amsò ca marciu con ai chi stort
e andrisàs somma pi bon

cumbat Fiò

fin chi regna di sicuton
gent cas lasu trascinà
causa la miseria o puvertà
iis l'è ai guai, me cara gent
chi son troip ancor chi capissu nent
ma amsò eisi dir e amsò lutà
s'auomma eisi pì respetà
a nui u lavù an spauenta nent
e nanch a somma di preputent
a somma na rasa da respetà
auomma al robi giusti e la libertà
al vigliaccherii am piasu nent
an pias ijatii a la povra gent
ijssi i son robi chi fan piasì
che quaicadin an lu po dì
nui ai culur lu cambiomma nent
e iomma nent poua d'eisi tene
al noster tinti i son naturali
e i sarà mai nin e' posa cambiai
ijssa l'è sul la nostra strà
sunei na vota ca l'è d' Carvà.

Sunada

CAPO II - Fiaa

Avij pasiensa, fei atension
al nost paroli, al nost danasion
da quaic ani amnè ades
u nost Carvà ai fa prugres

malgradu tit ist nuvità
chi trovu per varà al nost Businà
a cred che nancha la Costitusion
l'eis da ampeguà tancia teston
per sta tradision el'è secular
e mai a nin j'ha fac dai mal
dasà a iô na pendensa da regulà
cla riguarda ai Carvà pasà
somma stac cittu, iomma die nent
iomma fac finta t' capì nent
a l'ultim minut, quaich vilan
as pensava at piam col braij an man
l'ha na malatija, gindli esi chi

cumbat Veg

ca iè pi nin bon faila uari
l'è na digrasia ca l'ha ados
cue cui ch'ian l'asma con ai fià gros

cumbat Fiaa

nui al culpi ai domma a nin
giomma anmâ chi son cretin
adeguà a la statura
a l'è in pô triste is don d'natura
a rompi al scatuli e bità mal
a fanda dal picchi persunal
ormai sa malatija s'è ancarugnaia

cumbat Veg

tie j'ani, sut Carvà, la v'ha curaia
lu cunsigliomma t'curasla ben
el'abia nent da mnij quaic asident
pô s'è che a Castlèt s'è ben piasà
se senza is element as pô pi stà
des somma abituà a cert fadij
e a sl'asomma nent pià da cert malincunij
as t'nomma semp preparà
sunei na vota ca l'è d' Carvà.

Sunada

CAPO III - Fiò

I st'ani chi sta tradision
l'è mei cla piju an s'nater ton
nui t'caprissi an'omma nin
e sercomma ad dij dai mal a nin
faromma quaich uservasion

per migliurà cert situasion
per rendi dus i noe raport
e per scali la rason dau tort
alvà cert muschi dan ti fideij
e certa robi cai cumprendi mei
cul ca m'aremand, fei atension
ca posi cumprendij al nost rason
nui somma nent ch'è per criticà
ma, sa in capissi, i son verità
ch'è Castlèt l'è n'ecesion
l'è piassà eme la nasion
da quaic ani, amn' a des
a sa stà a fanda in gran prugres
a emenspianda dal noster strà
grasia au nost Cunin ca ià pensà

cumbat Veg

j'ho pòu t'cunfondi i noe stradon
con la rùssa ca iè a Baudon
am iavu amprumissi tit is bel strà
e iavu pruvist al preij d'ancuglià
an ian traci lì titti an tin micc
fa al riparasion l'era in pastis
a ginda propi la verità
du nost samiteri auriss parlà
a las perdi per prudensa
ma iè d'avei veigogna entrai andrenta
tit cul prumissi can iavu bragalaj

cumbat Fiia

se chi speciu ades a faji?
ma quaic eos a s'è pudì nutà
a tacà al tasi ch'è da pagà
l'ijan nent fac tant culumija
ijan nauc 'vi pòu che la gent la crija
acsì tit al sò amprumision
ijan finì eme al bulli t'savon
per lur Nadal l'amniva d'amson
eme ch' iavu dac d'antendi cui nost amison
ijst lu digh per certa gent
che sbaglianda as paga semp
e nent pudinda seguità
sunei na vota ca l'è d'Carvè.

Sunada

CAPO IV - Fiò

Dai 1955
iè rivà l'ura d'fa an pò d'chint
an tal sacoci ai paisan
chi san pì eme fa andà anan
des a Febrà i riva l'avis
u d'venta in vespà tit ist pais
rivanda al tasi da pagà
i emensa dlonch la susurà

tasa d'famija, tasa d'bestiam,
richezza mobile e cumentar
i can i son discriminà

cumbat Veg

iè cui da caccia e da pajà
cui da lussu j' esistu nent

cumbat Fiò

i fan ammachi perdi du temp
redit agrari e sindacati
valur lucativ e cui fucatich
l'antiflossera i l'han alvà

cumbat Veg

ma iè la trapula d'ialuviunà
a iomma in destin an pò pervers
con tit ist j'acqui chi van a travers
pò somma semp au tla quistion

cumbat Fiò

chi c'paga tutt l'è pantalon
u smija n'afari fac a posta
ma am droceu titti an tla sacocia
e grasìa a Diju, per ai mument,
du teremot as discor nent
s'iamniss ancora sta disgrasia

cumbat Fiia

somma fursà vendi la vaca
e furtinà cui chi l'han
ne chi stan ben i paisan?
A senti cui chi stan an sità
nui somma franch privilegià
ca iamnissu dui meis d'bonna stagion
avghij chi cambiju dlonch upiunon
laurà eme bestij nôc e di
e semp ammachi uardà an s'ì
al pì tan vòti a la fin d'lan
j'è pi tant speisi che guadagn
a San Silvester an redde rationnem
as vansomma d'eisi di vran colionem
cui purtafòì bela spasà
ai göb an sla schenna, beia sdernà
tursi eme elichi d'areuplan
ijst l'è l'avans di paisan
chi fan nent'ater che tribilà
sunei na vota ca l'è d'Carvè.

Sunada

CAPO V - Fiò

Du paroli a cui da esi li bas
gent ambisius e an pò spatas
cas nardu a pià quaic scapison
da davei fa rij fina u stradon

iomma dal pròvi dl'an pasà
quand el'era ura ad duvei balà
j'eru mes a contra e mes a favur
i smijavu a la Camera quand ch'è i discurs
ant'cul giurnà, can d'nasident,
pasai da d'van j'era da stai atent
j'eru tic an rivolusion
per culla fanatica television

cumbat Fiia

a fòrsa d'brighi as son decis
i l'han cuntentà cul mes pais
e na metà ai l'han dlong pagà

cumbat Fiò

ma l'è ai fundu cas n'è intrigà

cumbat Veg

des t'fa dal gueri fela finija
uardei la television an bon'armunija
anveci ca pensei a truvam a di
e nui duvomma semp amnà cumpati
a voluntà av domma gl'infurmasion
semp pront a fav scòla e dav lesion
e uardomma t'envi infurmà
con i rendichint dla nostra sucietà
l'andrent ad debit i nè pi nin
e s'è schisà senza i dne di Gerlutin
e senza das tanta impurtansa
debit i nè pi nin an sla nostra pansa
grasia ai President, u nost Cavaier,
e i sò növ pruget per l'han chi ven
malgradu che da tic u sija anvidià
sunei na vota ca l'è d'Carvè.

Sunada

CAPO VI - Fiò

Des uardomma d'fai unur
ai nost cunfinant d'Sansalvadur
l'è 'na sità ambisiusa e finna
a la surid an sna culinna
d'vigil e t'semafur i son trasà
e s'ijan ma la pansa i san an uanda andà
in esaturija, ai manca nent

cumbat Veg

che sa tardij l'as rigreta nent

cumbat Fiò

in bon ufissi t'culucament

cumbat Veg

e i disocupà i mancu nent
con in'industria eme ca ian lur

cumbat Fiò

e di padron chi son tice signur

cumbat Fiia

st'ecesion as pò faila a quaicadin
e dai mument che son anvià
an presensa a tic n'elogi a lui vòì fà
gent at cuscienza e con cunisiòn
per l'uperai e per la su lavurasiòn
tant cui pover, eme cui siur
a la fabrica at «Tolo» ai fan tic unur
da ogni sità, da ogni canton
i riva di trenu d'urdinasion
e vuiaie s'aiei da scaipà al vost masnà
a l'è da «Tolo» ca devi andà
a l'è la fabrica di trei fradè
che Castlèt as gava tant at capè
e ai faromma semp in gran unur
ai fradè Gugliada at Sansalvadur
e a sò unur, con tant rispett,
fei na sunada ela fasa efett.

Sunada

CAPO VII - Veg

T'fa tanc elogi a sa sità
a nui la fà nè invidia nè pietà
amso cas cunvinciu certa gent
amni a paier a Castlèt i poru nent
col pròvi ca iomma dac
e i cunfront ca iè sa stac
lur j'han in parco per al masnà
e uardei nui che rasa t'sucietà
sa cunfruntomma po l'inaugurasion
dila cuu nui i son nent stac bon
nui la presensa certa gent
autorità e campion i mancavu nent
da nui al festi i fan pi efett
i ven a truvam fin ai Prefett
nui a «Coppi» i domma du ti
lur j'han invidia dist robi ch'è
ijjavu la presensa d'quaic deputà

cumbat Fiò

chissà quanc can nà stumià
l'era n'ombra per quaicadin
vegasli an ti pè e esì da vsin
l'è stac in grup da digeri
e per quaicadin in dispiasi
des certa robi lasommij dre
sta situasion avgomla mei
a San Salvador i son pi mudern
con in giardin estiv e ijn d'invern

cumbat Fiia

a quant a ijss va bela pian
vigarromma an pò da chin da nan
peua che iec frec i siju pasà
ijjavromma in parco dlong preparà

per grandiusità e pusision
truvà l'ugual iè pi niu bon
coi prim calur chi fan smangià
emensipiarromma d'one a balà
e dau di d'inaugurasion
a balarromma titt la stagion
vuiac mascion tnil ben a ment
chì a Castlèt av quadri semp
l'asurtiment at fìj ca iomma chi
lustri, tenri e dal fuimi chi fan piast
l'è roba scelta, an si prim denc
v'aspeciu titti con i bras teis
j'han u trapulin bela cricà
sunei na vota ca l'è d'Carvâ.

Sunada

CAPO VIII - Fiò (datur)

Mì son in medic profesur
son decurà con tant unur
da tit al part ua ca son stac
di gran furur j'ho semp fac
s'jè di malavi cunvalescent
chì venu da mè, as truvarran cuntent,
ai servis ben, senza interesi,
son semp pront al so richiesti
tant i pover eme cui rich
si crepu nent mè ai uaris tic
chì siju sburs, chì siju sop,
ch'iahu j'arneis föra da post
a uaris i tisich si son ben cronich
e i mã segret ca j'an al doni

cumbat Veg

oh! siur datur, ai venli a ca mija
auris fai na visita a la me fija

cumbat Fiò (datur)

e vostra fija a lel luntan

cumbat Veg

eccu chì can l'ha d'advan

cumbat Fiò (datur)

av salut, o bela fija
an ua ca l'ei sta malatija

cumbat Veg

ma sl'ha 'na testa d'asident
nanch a mè am dis mai nent
la stà semp cui mur an sögn
a fala parlà i va milla impëgn
la pista i pè, la scrus i denc,
la rechia mai, la sogna semp,
l'è sà quaic ani ca l'ha ist mã
son nent ancor stac bon faili pasà

l'ho facia s'gnà fin d'an setmin
ma d'risultati a n'ho vi nin
la dis anmà ca l'è malavia
j'ho ancor pudì capì se che l'abia
quand che u su ai emensa andà a sutta
la trã au si u drera ca la smija luca
la perd al baveli, la tira ai bag
l'istes eme al buricchi an tai meis d'mag
la ven e la smija bela rabiaia

cumbat Fiò (datur)

amso dai quaicosa da pudì pasiala

cumbat Veg

cam digga lui eme c'amso fã

cumbat Fiò (datur)

j'è i necessari preparà
e sa fissi nent in sicuton
andei a piai anuanda chi son
basta cav metti d'bonna voia
e u rimedi l'è cert cas trova
i n'è an gir n'infinità

cumbat Veg

cam digga lui eme ch'io da fa

cumbat Fiò (datur)

i va in giuvnot per vostra fija

cumbat Fiia

bravu datur can l'ha capiija
i va in giuvnot cu sija an gamba
cam tena strence e cam tena randa
cu siia nent slà o rapucè

cumbat Veg

a son bon mè des fat uari
des ch'io cuncè la malatija
io truvà ai mezzu t'fatla andà vija
a dag a man in bel salson
a tlu fas pasà u smangiason
e lui per paga, siur profesur,
sai ven an cã mè ai romp ai mur
acsì lu las dlone liquidà
sunei na vota ca l'è d'Carvâ.

Sunada

CAPO IX - Fiia

Con tic i scandul chi succed
andomma semp da mal an pes
tic i giurnal a j'han parlà
a v'ancincavu an s'tit al strã
j'han ampì i tibu a tit la gent
con la pureada di stupefacent

la smija 'na merce a purtada d'man
ca s'nu servissu fina i can
e eme i can cert personal

cumbat Veg

s'è vist amuachi a fa dai mal
avsin ast robi as dev piã ripieg
s'auromma nent cla vaga pes
certa sbagliu as perdunnu nent
as dev dai d'iesempi a tit la gent
d'appurtadur nu auromma nin
nè chi siju sciensi nè chi siju meschin
an tal galeri i post i son nent prenutà
chiunque sija, là as pò mandà
senza fa tant discussion
fai amni gris an tla parson

cumbat Fiia

si son smorbi, fai amni bei pin t'piog
amso ca stralasa sidnò l'è noc
quaicosa j'avreisa ancor da di
avij pasienza, amso ca lasa li
i va nent tant a capì ai peichei
sunei vuiacer con ic arneis.

Sunada

CAPO X - Veg

Con tic i prugres d'umanità
ancasì i bal i son mudernisà
i tran an si ai chi, ai iousu al gambi
con bugi-bugi, raspi e sambi
l'è nanch na moda cla vaga mal
vegghe ist cirimeli an natural
i fan d'inchin e i batu al man
i smiiu al scimmii cl'ava Tarsan
des ai veg temp soma turnà
e u Ciarleston i turnu a balà
e u turna a fa in gran furur
aveii dal fii a l'è in datur
prima dau Ciarleston, ai temp dla samba,
l'andava la emari in di a la stmanna
des acsì l'è pes ancor
oltre a la emari i va u datur
l'è in mã cuntagiun eme al mursiã d'urtii
as tacca specialment avsin al fii
an in fa amui titti annamuraili
l'è pi nin Gesù bon a pasiaii
ai souta ados cert cunvulsion
che a calmai l'è pi nin bon
as mettu criã ch'ian i datur

cumbat Fiò

dù sul paroli a pos div ancor:
propi ades ca l'era dai cundiment
avii pasienza, a cantavli a pos propi nent

gim vuiacer eme ch'io da fa
per me chint fei 'na sunã.

Sunada

CAPO XI - Fiie

Ticc i criiu e am parlu drera
che la nostra moda l'è trop algera
mì an vis ch'ian semper seguità
a dam ados e dim dai mã
che mè la pensa pir diferent
che certa robi ai narda nent
mì tant ca stag ai mond an si sta tera
voi divertim fin ca son bela
ist mond al'è anmã in pasagi
eme i famus chi venu an viagi

cumbat Fiò

st'vo divertit, mè son a temp
a ta sbroi dl'ong an tin mument
però cul ca m'aremand, per carità,
sa storia di marsian lasla pir stã
e atertant i lunari e i discu vulant
i son bali eme culla dla fin dai mond
mì t'certa pan a son nent avstì
e a tit is paiasadi iò mai cardì
l'è stacia na bala grosa e bela
per spanentà la gent an si sta tera
cuion cui chi eredu is bestialità

cumbat Fiia

av digh mè eme ch'iei da fã
divertiv fin ca si bon
as bitomma a vostra dispusision
se an tai mond a l'an fac la dona
per cla staga ai mond senza veigogna
sl'ha da spuasi, nent fas rinessi,
tit al beltã la dev fa vegghe
sas va a sciciu an ti prim temp
i prim omi dla tera, iev tai dament?
an tin paradì eme ch'eru lur
a l'era in vivi propi da siur
an tla vitta l'era sã la libertã
d'mangiã e beivi senza laurã
i favu fina dl'ecunumia
i cumpravu nanc la biancheria
as lamentu ades cas va patan
anlur se ch'iavu da metsi d'van?
as lamentu che ai mond l'è amni pervers
e anlur l'andavu ticc beia squert
au temp che ades somma rivã
la gent l'han piã tic sa mentalità
e i son amni tantu pervers
e am dan a contra ai nost prugres
e pi pudinda sbanatã
sunei vuiacer ca l'è d'Carvâ

Sunada

CAPO XII - Veg

Con l'ultim cap stei bei atent
av fas aneur n'avertiment
i son cui giuven che mè v'artis
per nent chi vagu an ti pastis
se per cas a sì an parola
o prumis con quaica dona
scianchei al bischi an tai mument
e turnèi andrè fin ca sì a temp
des a sii giuven annamurà
avghii tit rosa, tit anfiurà
ma sa fei tant a spusà na pricca
sì cundanà an galera a vitta
pò la quistion la ven pi bela
si ven la suocera a stav ansema
e con la mama dla muiè
a sì pi bon a sfavni i pè
av tenu pi per cap famiia
ma av fan fà l'asu d'fadiia
po a v'aspeciu an saba an mes a l'is
i duè dla stmanna an iu voru tic
i voru fin l'ultim dubion
pò av dan ancura dai plandron
av piuu i sold, av dan pi nent
pò av mandu aneur d'iasident
me suocera, per esempi, l'è ina d'eulli
ca l'ha in pre eme la Cianciulli
l'auris masà i s'zeni iin per iin
e fai a toc eme i taiarin
pò metti con dla soda an tin caudron

e metsi adrè fa du savou
ne che mè sou ben piassà?

cumbat Fiò

lasla lì per carità
iò vist na dona aesi lì an mes
ela smiia «Cerbero» ai guardian dl'infern
cul famus cêe ca l'ha tre testi
l'ha dice ca t'rangia per al festi
l'ha di baibis eme cui d'Stalin
ca la met poura a stai avsin
a l'ha fac segu can l'ha con ti
l'ha dice cat specia andanda zì
l'ha in manni da bèi sutta n seusà
ai pensa lei ades fat balà
vuiac giuvnot fei tice in pas lì andrent
a l'è n'orchestra d'asident
lì at doni l'è l'invasion
ca l'è ai mument at tacà buton
antant i son buton tacà d'Carvè
av salutomma tic, iiomma livrà.

Sunada

Fine

Distribuzione autorizzata dalla Quosuma
di Alessandria in data 15 febbraio 1955.

CUCINE

“Zoppas,,

FRIGORIFERI elettrici

delle migliori marche
estere e nazionali

Ditta ASTUTI G. B.

Telefono **50.88**

Via Vochieri, 10

ALESSANDRIA

FOTO FRANCIA

Via S. Lorenzo, 7

Telefono 35.53

Alessandria

Novità!

Moderno e esclusivo impianto

FOTO-FILM COLOR

naturalizza di colori, in 4 pose diverse

Sviluppo e stampa

a colori sistema

FERRANICOLOR e AGFACOLOR